

以诗会友

上期征稿选登
题：人间奇迹

人间奇迹

敢与贫瘠下战书，乡村规划绘蓝图。
斩钉气魄谁能有？断腕担当壮举扶。
致富奔康行路畅，安居乐业绿园苏。
人间奇迹复兴梦，力断穷根万古福。

李政军（云县）

沁园春·银发颂云岭

苍岭之南，旭日东升，七彩霞飘。
看金沙江水，歌飞沃野；乌蒙山脉，舞动重霄。
布谷催耕，白鸥戏柳，犁雾耘岚种碧瑶。
恰佳节，正鸣钟擂鼓，抚弄笙箫。
欣逢盛世堪骄，引巨舰乘风逐浪潮。
喜长龙腾越，穿峦跨涧；银鹰展翅，击雁追雕。
绿水青山，花红柳翠，百丈高楼任自豪。
更期待，再圆中国梦，雅颂轩尧。

任恩杨（昆明）

扶贫奇迹

九九艳阳天，机耕动野田。
楼新桃李艳，市早果蔬鲜。
困窘疾方愈，丰足梦正圆。
扶贫奇迹现，旷古一鸿篇。

李晓光（蒙自）

赞精准扶贫

惠风骀荡入寒门，尧日光辉暖庶心。
给力兴农修富路，扶贫济困拔穷根。
竹篱茅舍沧江水，广厦通衢大地春。
全面小康新时代，连薨接栋万家新。

王治华（弥渡）

清平乐·山乡圆梦

筑巢引凤，担子千斤重。树蕙滋兰风雨共，奔赴山乡圆梦。
倾听空谷来音，静观纨质兰心。九畹骚怀重现，春风大雅情深。

吕中俊（昆明）

金东大桥抒怀

横空飞架夺天工，云壑金沙悬彩虹。
跨谷穿江兴伟业，推山踏浪架游龙。
天高不盼登云路，水急今无愁泛容。
漫步滇川凭尽览，坦途人在画卷中。

陈兆彩（昆明）